

Paul e Clau

Per entscheiver

Stai! Tgei storgias, tgei pitgiras,
Da dus selvadis spir aviras.
Per las streglias, per las vias,
Raquent'ins da lur furbarias.



Per semegl'ei quei schabiau
Culs bargnaghels Paul e Clau.
Stagl da far bein obedientsha,
Pils vischins haver capientscha,
Mo rieva la canaglia
Sur da tut sco la curnaglia.
Cattavegnas, stucs, gl'ei da fugir,
Els il bien mo vulan untgir.
Glieud e tiers savevan murtirar,
Meil'e péra engular.
Quei ugljava schi tanien

Da nos giunchers il talien.
Star en scola tut murtgeu,
O fai quen! Vess purtau neu!
Mo sco ei va en quei risguard:
Vera ricla vegn onz tard,
Ed ils stucs, in e scadin,
Peglian ina nauscha fin.
Perquei fai bein adatg
Co ei va cul buob sfarfatg!
Uss vegn lu tut nudau
Tgei ch'ei capitau cun Paul e Clau.